

續修四庫全書

《續修四庫全書》編纂委員會編

續修四庫全書

上海古籍出版社

一六四九・集部・總集類

欽定全唐文一千卷總目三卷（卷八百七十四至卷九百三十七）

〔清〕董誥等輯

欽定全唐文卷八百七十四目錄

陳致雍 二

博士高遠奏改顏子祝文議

再改正顏子充國公祝文議

定皇太弟服魯國太妃喪儀議

改正太廟遷祔神主議

請公除預祭議

廟像無婦人配座議

牒太廟置令釐革請御署齋官不合拜禮議

欽定全唐文

卷八百七十四

目錄

一

太廟設甄銅議

邊鎮節度使諡議

文臣諡議二首

國子監官諡議

勲臣諡議

高士諡議

東宮官諡議

吏部官諡議

諫官諡議

鎮海軍遙授衢州刺史李萬安諡議

和州刺史馬洪諡議

汀州團練使余廷英太尉諡議

刑部尚書嚴紹諡議

工部尚書刁紹諡議

龍衛軍副統軍史公銖諡議

知饒州刺史林廷浩諡議

天德軍使程成諡議

劍州刺史高隋諡議

欽定全唐文

卷八百七十四

目錄

二

司農卿元稹諡議

小殿直諸指揮廂虞侯劉匡範諡議

秦州刺史陶敬宣諡議

太尉李金全諡議

故歙州刺史太尉楊海諡議

司空游簡言相公諡議

濠州團練觀察使郭全義諡議

前蘄州刺史李賓諡議

左街使侯仁遇諡議

寧國軍節度使陳謙諡議

欽定全唐文

卷八百七十四

目錄

三

欽定全唐文卷八百七十四

陳致雍 二

博士高遠奏改顏子祝文議

右竊以祝嘏之說已著開元禮中升降兩義不同大祝云敢昭告小祝云昭告諒其損益盡在往典今高博士請改前經未敢爲允旣尊其爲師待以不臣豈可抑以祀典援其公爵者或商容呂迎逸免也武王式閭維師尚父尚當一時君臣亦不北面爲禮況顏子德冠師門道光亞聖千古景行一人而已開元禮太宗纂之高宗述之元宗定之

欽定全唐文

卷八百七十四

陳致雍

一

垂爲永則豈合改作謹議

再改正顏子充國公祝文議

右臣先據太常博士高遠奏改文宣王配座顏子充國公祝文昭告字援小祀例爲致祭高遠意者爲與武王祝稱不等欲不敢御署蓋迺至尊降屈行拜敬之禮殊不知中祀云昭告亦進御署署訖皇帝不拜今旣升文宣王爲大祀充國公卽便是中祀而況顏子德冠孔門徇齊聖智佐食則絕席居前侑醕乃服袞在上旣禮容以相稱何貶拂而太懸武成王祝文開元天寶中亦云昭告進署不拜至

正元年兵部員外郎李紆奏節文云太公述作止於六韜
勲業形於一代豈可擬文宣王之威哉遂改損昭告字云
致祭不進御暑今者國朝以其拯民靖亂崇德報功再奉
嚴裡重構廟宇光靈顯被聖澤優褒聖典既修舊章宜正
臣卻請升武成王祝文仍舊歸昭告字國公則不合更貶
祝仍准禮大祝進御暑拜中祝御暑不拜夫禮者別尊卑
名輕重奉常洽酌折衷後亦何必矯飾閒辭蕪穢簡牘穿
鑿往事紊亂彝章視茲二途指歸一揆謹具奏聞

定皇太弟服魯國太妃喪儀議

欽定全唐文

卷八百七十四

陳致雍

二

皇太弟繼統儲宮不得申其喪紀只服總麻三月服三日
公除按喪服傳曰何以總也與尊者爲體不敢私其親今
據禮經則是子承父之禮主鬯宗廟承名器之重不敢申
私親之服若服則是廢尊者之祭謂於死於宮中者三月
不舉祭是也又云君之所不服子亦不敢服開元禮引喪
服比公子爲其母練冠麻衣纏緣既葬而除練冠則白練
布爲素冠麻衣纏緣今之白練布爲衣裳纏緣其裳也近
代庶俗多用白布襴衫非先王喪紀之法服准令文三日
成服朝晡五哭止具成居處飲食哭位則從其心喪至葬

期反服既葬除服禮也

改正太廟遷祔神主議

臣聞王者之孝莫大乎尊祖有國之儀必先於崇祀採質
文之損益正宗廟之祧遷載在前經垂爲重事國家中興
土運再造皇猷雖殷薦之禮孔昭而正名之典未舉王良
臣因崇清廟遂上封章臣備位明庭攝官禮寺祗承末議
思盡寡聞謹具條奏如後

太祖之廟及不遷之主

欽定全唐文

卷八百七十四

陳致雍

三

禮云天子始受命諸侯始受封爲太祖之廟國初以景皇
帝始封唐公慶延奕葉高祖雖撥亂以定天下其實因唐
以爲有國之號改尊景皇帝爲太祖然前代諸儒亦議者
非一愚臣竊以謂高祖神堯皇帝項在隋季民實塗塗而
濡足救人乘時啟運天命允集厯數在躬豐功厚德比崇
三代洎奸凶僭逆皇祚中微九有之民猶思唐德本枝百
世貽厥孫謀故烈祖高皇帝再造丕基光宅大寶昇元初
以高祖有克定之業實受命之君尊居太祖之位是爲不
易之典酌中考古允得其宜太宗文武皇帝定策濟時戡
難立極惠周四海道冠百王烈祖考高皇帝仗義中興應

期繼續功逾嗣夏化洽重熙以二聖有大造於人故雨室居不遷之地自餘親親之廟存者四焉

四親及義祖神主合出太廟

夫承祧繼統則降其私親尊祖敬宗則存其大義歷代已降何莫由斯是以先晉元之中興而南頓令與瑯琊恭王不祔太廟於春秋之義國君即位未逾年而薨者尚不祔太廟又神龍中義宗孝敬皇帝以儲后追尊入祔太廟尋從輿論亦別創嚴祠而況四親位匪君臨地非正統高皇帝既承太宗之後所謂以義斷恩敘之昭穆未合典故伏

欽定全唐文 卷八百七十四 陳敦復 四

見保大初給事中朱翬著作郎徐鉉奏引秦漢故事請定宗孝靜皇帝成宗孝平王惠宗孝安王慶宗孝德皇帝宜準例於潛龍故地別創新祠以四時而祭既協尊祖之義別為祭禰之宗其太廟昭穆請自昭宗已上未祧遷神主祔並及請遷義祖神主於祠堂就飾廟庭別建嘉號如德明與聖二廟之比者準其年十二月勅文我國國家務存孝敬理在不祧羣官但據典經故禮當迭毀予不敢違先皇之命不敢忘義祖之恩是降勅書期同闕二勞於寤寐誠亦未安何者先皇御札尚新言猶在耳儒者已微典實議

論紛紜苟歲月既徂德音漸遠畢朕之世雖云厥心不回後代之人且憂其意可奪如是則墮先皇之孝敬豈無時焉祧義祖之神靈信有日矣誰當執咎予用悔然欲其求萬世之永安未若割一朝之罔極奉於不祧之地冀絕親盡之言嚴恭無虧告享於舊上匪違於先旨下何傷於孝心咨爾宗親當體朕意宜委所司於祠堂別建後殿安置塑像其前殿奉遷祖主以居其寢庭制度祭享之禮一如舊儀永為不祧之廟者所為因時適變以公滅私載考聖謀實符命議雖義祖之廟已正於典禮而四親之主合同

欽定全唐文 卷八百七十四 陳敦復 五

懿宗已下合祔太廟

伏以懿宗僖宗昭宗三室地未當遷禮宜祔廟請依昭穆以奉烝嘗五時享焉

高祖已下祧廟

伏以高宗至宣宗十四室雖親盡當毀而禘祫之祭合敘昭穆今請各造神主居於夾室

右臣致雍文慚學禮業昧通經忝在奉常恭承議問須陳
管見敢副宸衷然而宗廟居尊祀事爲大必資時彥共啟
詢謀伏請更於通班各徵議狀然後酌臣可否繫在睿明
謹具奏聞

請公除預祭議

右臣伏見太廟行禮百官有總麻服已上並不預祭謹按
禮經諸侯絕旁親之服不敢廢大宗之祭謂官未葬者欲
人吉凶不相黷也魏晉已降變行權制總麻已上假內謂
之喪服假滿卽吉謂之公除今既葬公除廢葬非也彼公

欽定全唐文

卷八百七十四

陳敦雅

六

除者使人各得其祭苟私祭不廢則公除無嫌請准開元
七年正月七日吏部奏依江左當時知禮者虞譚殷仲堪
等議相承等行之久矣凡有百執事齋郎室長禮生已來
並擬請申詳前令行公除助祭之禮

廟像無婦人配座議

准祠部牒據禮賓使何延錫狀爲元應王副嬭公各授官
封冊所服冠裳及女人有塑像同座共享兼畫僚屬等乞
賜改正移易庶合典禮者右檢封祠之制古來有功於民
者則祀之無續容飾貌之狀自漢魏以降所在州郡有神

祠塑像衣冠人物有夫婦共座配食之者未知其所由來
也於禮無文雖云配祔宗廟鬼神孝子感親之所今元應
王遺跡置祠副嬭公或山川之神各有受封爵有受封爵
有其廟宇之制殿堂之上左右列侍衛臣僕像人居然如
其諸侯外朝正寢之式春秋祀享准今文皆州縣供其牢
醴之物長官拜祭祀以夫婦配食之義不同今未委准禮
移婦人共座居別座其王各依准衣服令等降飾以袞冕
九章之服婦人無爵衣褕狄九章於禮爲中仍請差工人
就禮院畫衣服章數制度施行者

欽定全唐文

卷八百七十四

陳敦雅

七

牒太廟置令釐革請御署齋官不合拜禮議

右檢今月十四日冬享太廟伏見攝太尉及亞獻官御署
祝版到廟先於殿前拜謂之參神如家人之禮竊以夙興
行事裸鬯之後神靈降止然後方行拜敬之禮今未見其
所祭而於致齋之內造次撩覲頗甚褻慢事須舉明自今
已後便釐革者

太廟設甄劍議

據太廟置令王崧申凡遇時享齋郎薦獻皆是每人兩番
或三番不免紛紜執事或有差互獻官寧免淹延舊例簠

簋籩豆罇爵等並是未明行事之前烹牲取熟之後夙設饗餼和羹與三牲俎等是裸爵之後獻薦今欲以三牲俎及毛血准舊例薦獻外其胛骨並太羹和羹所司可商議准菓菹餽等享前一時先設載量變禮甚合通規不惟稍簡於排諧兼得免彰於喧糶奉判禮院商量者右致雍竊詳郊天以血腥爲始宗廟以裸饋爲先既稟奠然後薦熟今欲和羹之餼與胛骨夙設求其禮情不近於義實爲未可謹議

邊鎮節度使諡議

欽定全唐文

卷八百七十四

陳致雍

八

夫功成事卒身歿名垂平昔茂勲足以追寵某人資性忠果率禦有方久捍邊城適安堡聚復於布化順惠克孚惟其勲臣賴此統牧天不慈遺喪我元良卜窶有期論行可著功高威烈政和安民按諡法云有功安民曰烈

文臣諡議二首

夫君子誕敷厥德垂名於世追美重終諡而有贈某人詞源濬川德基崇嶽出光帝戴式冠朝端服爵增華言行有範爰自紫垣演誥潤色皇猷明懿孔彰博聞是謂按諡法云博聞多能曰獻

夫實以誅華名由諡易既數前烈可述來芳某人襟抱融明風標秀逸文爲士表信在已先端默持謙恭仁允惠請按諡法云恭仁鮮言曰靜

國子監官諡議

夫贈諡厚賢克敷君惠平生懿行可得而書某人蘊性純和秉德方直業通儒術學任人師宏益姬風儀型國冑敷受之聲不絕典禮之訓有倫請按諡法云典禮不愆曰載

勲臣諡議

夫臣下竭力盡瘁立功於國國安君寧能事畢矣某人器

欽定全唐文

卷八百七十四

陳致雍

九

惟正亮性亦融明首贊宏謀力荷王室而自剖符錫壤名冠列藩茂績洪勲惇史備載易名之典謀諡於公卿曰思慮謀遠謂之翼

高士諡議

夫逸人遺範秀士流芳須示易名用旌高蹈處士某人懷真蘊道嘉遁雲阿漱石枕流以激濁世人尚高節無以喻焉謀於闕好曰正白先生諡法云清白守節曰正涅而不緇曰白斯之謂與

東宮官諡議

夫服勤官次景行有彰終身則敬忌不忘請誅而褒崇匪
悵某人端明立身公正楷俗踐揚名級輝映士林適自入
奉承華毗荷儲季克宣今範蘇正有稱謹按諡法云廉直
經正曰敬

吏部官諡議

夫啟殯告諡德行有褒追美旌功於焉斯著某人度量宏
達秉直在躬首自贊職銓衡不遺器任精裁人物疎附允
中按諡法云附不黨疎不遺是曰平也

諫官諡議

欽定全唐文

卷八百七十四

陳致雍

十

夫生不可奪節死不可奪名身歿名垂旌大厥美某人忠
鯁維亮風概愈高端委諫垣民宗威貫極言累進規正宏
綱是謂直臣合旌遺烈按諡法云中正無邪曰質

鎮海軍遙授衢州刺史李萬安諡議

伏以李萬安器度不羈雄豪獨處義勇兼著寬猛相須嘗
毗荷以親賢率衛兵而整肅累刺臨於列郡治封部以义
寧在昔邊淮之兵連營棄甲惟黃之郡嬰城不拔卻敵之
力萬安有功謹按諡法決勝壯敵曰毅

和州刺史馬洪諡議

伏以號以表功諡以表德慎重厥美君子有終故檢校太
保威衛將軍前和州刺史馬洪勇於戰鬪鬱有壯聲動必
擒凶舉無遺策被堅執銳率居行陣之先畧地攻城每在
衆人之上上麾臨郡嘉績有聞今也身歿名垂請誅匪怪
引義爲用厥諡彰矣按諡法率義供用曰勇其馬洪請諡
曰勇謹議

再定

伏以見諡知行終身有稱用旌將帥之臣可著簡編之美
馬洪壯於戰鬪知勇亟聞考狀昭詳克揚前烈平霍邱之
欽定全唐文

卷八百七十四

陳致雍

十一

賊縛周令殷於陣前解彭城之圍擒何仁達於馬上數其
軍實夥矣前功今也云亡噫然可惜致果殺敵厥諡彰矣
其馬洪請諡曰毅謹議

汀州團練使余廷英太尉諡議

伏以廷英承家軒冕肇迹東南少年以應聘諸侯厥名貴
仕往歲以開區啟宇宰府登庸洎叔世替夷奸臣擅命廷
英智能料主謂故土不可即宮首率諸侯尊事大國保全
多體思寧後昆觀闕一字始終允而彌顯按諡法深慮通遠
曰思謹議

再定

伏以廷英粵自東南少登貴仕忠其所奉人曰匪躬垂三十年其勤亦至洎王師恢復建壘克平被天朝之懋恩列卿等之華級只爲神臬承乏候服分憂爲政理躬有足多者溢然長逝用惻宸衷考行易名敢私典故按諡法名實不爽曰質請以爲諡謹議

刑部尚書嚴紹諡議

按考功送到行狀稽其往迹敬慎有終紹服爵承家時推華胄考祥視履人垂匪躬既名行以弗愆諒定質而可取

欽定全唐文

卷百七十四

陳致雍

王

按諡法純行不爽曰定名實不爽曰質今請一字諡曰某謹議

改諡

據考功錄到門人華歸仁記其行事蓋惟誅貴之文有司以之弗取復詢輿論無損士風紹服爵登朝檢身立事名行既無愆爽始終須示褒崇按諡法云名實不爽曰質謹議

工部尚書刁紹諡議

據行狀紹前後從公歲華更事匪躬奉上盡瘁勤王爰自

牧守海陵化數邑里民情稱理奏課居多議名之端歸美於行紹向來安身不競修已自保敬慎有聞始終若一按諡法小心恭慎曰僖謹議

龍衛軍副統軍史公鉅諡議

公鉅祖世朔方捍藩顯功爲唐名將公鉅便弓馬習戎事有名父之風刺郡部近民情知良吏之節性和不損撫士寬容考終之名用以爲諡按諡法寬容和平曰安其史公鉅請諡曰安

知饒州刺史林廷浩諡議

欽定全唐文

卷百七十四

陳致雍

王

伏以廷浩勇而有謀臨事卻敵往歲北師衆至來攻泰州是時孤城且危外援不救廷浩能厲士卒分地捍禦鑿展深塹斷絕飛橋俟彼布陣援旗引闕纔渡中河半多陷溺不有奇畧安能保全諡法臨事有斷曰勇

天德軍使程成諡議

程成起自行間累以戰功爲時名將頃在合肥頻經大敵旣斬獲數多賞在上等因且奮身不顧負楯先登陷彼堅陣而被執不撓諡法恃義不撓曰勇元宗皇帝收獎前勲制辭云抗誠不撓奉主言堅命扶旣崇忠義可取按諡法

云恃義不撓曰勇

劍州刺史高脩諡議

往歲閩人怙亂賊臣不庭連結外兵竊據東境隋時為裨將分守上游號令精明訓御嚴整善治攻具妙用戈船下延平閩字一夷之軍破橫海艘艣之衆越寇畏襲邊郡謚寧剋敵服叛累功多者舉一為諡謹按諡法服叛定功曰威謹議

司農卿元凜諡議

伏以凜文為已華用能進業行為士本居則撝謙因厯聘

欽定全唐文

卷八百七十四

陳致雍

五

諸侯從事楚部在官凡二十任莅職僅五十秋然而物議不誼祿位無曠矧遇季主荒急遭時艱難絕居不疑履危無咎保全名節歸休聖朝據行狀云去夫二國不遺惡聲事夫六君不流靜讚按諡法小心恭慎曰僖去二國事六君無惡聲無流讚不謂恭慎乎其諡元凜曰僖謹議

小殿直詣指揮廂虞候劉匡範諡議

誕生將門爰有命聞寬柔得衆勤恪在公幼襲世封克荷先業以忠正奉國以孝悌承家頃奉朝恩守牧滁上民無寃滯吏絕侵漁期年有成風俗大治又據行狀云為皇城

使日值北師來侵京邑騷動匡範忘食輟寢晝警宵巡仍散私財以募兵士屢陳章疏乞預征行念茲勤勞夙夜敬事按諡法勤勞無私曰順謹議

泰州刺史陶敬宣諡議

伏以君子沒世而名有可稱諡以德彰克旌厥美陶敬宣貴襲公爵以文立身華貫繼登允光前烈洎師都亞尹廉正有方東吳牧民勤恤不倦寬裕順理惠和以施諡法慈仁和民曰順其陶敬宣請諡曰順謹議

太尉李金全諡議

欽定全唐文

卷八百七十四

陳致雍

五

夫功成事卒身歿名垂平昔茂勲足以定寵故其資性忠果威畧有成履行端莊聲實無替往以大慙移國偽梁僭圖金全有致討之功復安天步紹宗繼統入扈乘輿式掌兵機克總侯府而又累仗全越出捍邊危種落安寧疆場肅靜酬勲錫壤皆踐大藩金全知皇運中興能以義諭臣僚聿來慈服諡法慈和徧服謂之順李金全請諡曰順謹議

故歙州刺史太尉楊海諡議

右詳門吏錄到行狀楊海父祖仕郡縣為吏海始明經調

選有開厥嗣傑作將臣性懷不羈雄豪獨處昔歲中州紛擾羣盜縱橫自言力勝於人分部得衆歸命我朝爰服休恩擢在上將期門清蹕勾陳衛兵統禦得權嚴整有序用海爲新安守到任知物情之所未便補累政之所未修治隄防築壁壘蠲水害利民居勤績著聞功用可取謹按諡法施勤無私曰順請諡曰順

司空游簡言相公諡議

按公正明在躬亮直秉性出光帝戴位冠朝端昔者職處掖垣兼持鈐綜士無濁者官盡得人踐文章之臺治紀綱欽定全唐文 卷八百七十四 陳致雍

之要奸吏展畏貪夫廉隅言必至公門絕私謁日者越人皆誕寇我近畿餘穢盡誅首惡未諭方生釁隙遽詔行人受命而行臨事有斷泊登宰輔允副具瞻股肱其良邦家殄瘁議名請諡敢忘至公謹按諡法廉方公正曰忠臨事有斷曰肅

濠州團練觀察使郭全義諡議

濠州郡團練觀察等使郭全義薨夫諡以行政行因諡立克揚茂烈追美成功全義端委和門明慎師律入司侯府出踐藩垣民政武功雖書甲令易名考行未請省曹今以

啟殯有期書方仍待且據郭全義策名已來夙居戎表勇能致敵用以爲褒按諡法云好力致勇曰莊謹議

前斯州刺史李實諡議

實委質聖朝奮身戎表位兼隆於中尉才復任於列藩勤已居方垂仁訓俗考行誕敷其往烈飾終克保於令名行狀云以援桴鞠旅爲已任以燧燭烽舉爲時行然而戎侯自虛懿誠未誠諡法曰武而不遂曰莊謹議

奉宣旨改諡

又據狀實天祐中附翼戎臣仗劍東渡委質聖朝是爲知欽定全唐文 卷八百七十四 陳致雍

危亡之理慎思慮之謀以義而來克安永嗣諡法云思慮不爽曰原謹議

左街使侯仁遇諡議

侯仁遇立身端謹前後更厯職任誠節無替往歲攻圍福州之日能厲士決戰奪其城壘殺獲甚多雖功用弗成而壯勇可激按諡法武而不遂曰莊

寧國軍節度使陳謙諡議

伏以陳謙少年有鄉曲之譽侔儻義烈直氣不羣頃值東甌兵擾與其伯仲招結猛士擒賊立功拔爲上將習戈船

水戰之師統劍津下瀨之旅破錢塘軍威振越人界壤海
圻兵不敢犯保邦庇民謙之功也近者執圭入覲再陟帥
壇俾賴式遏之功永作藩垣之固天胡不憖奪我帥臣歸
葬有期啟殯請諡用旌前烈敢忘至公按諡法好力致勇
曰莊其陳謙伏請賜諡曰莊謹議

欽定全唐文

卷八百七十四

陳致雍

天

欽定全唐文卷八百七十五目錄

陳致雍三

龍衛軍左廂諸指揮都軍頭故歐陽權諡議

光山王延政諡議

蔣彥威諡議

左宣威軍使張于諡議

駁奏議周進卿諡議

洪府神武軍左右親從兩指揮都虞候故孫漢遇

諡議

欽定全唐文

卷八百七十五

目錄

孫晟諡議

常州防禦使李守義諡議

鄂州副使前沂州刺史劉敬文諡議

德勝軍節度使孫漢威相公諡議

汀州刺史張延嗣諡議

故虔州節度使賈匡浩相公諡議

右千牛衛將軍白福進諡議

太尉劉崇佑諡議

軍使孫彥潛打毬馬墜死諡議

江西節度副使馬希蘊諡議

海州兵馬監押吳廷英諡議

右驍衛大將軍致仕故王令莊諡議

諫議張易諡議

右領軍衛將軍譚漢鐸諡議

諫議大夫江文蔚諡議

太弟少傅李匡明諡議

保義軍節度使鍾承勳諡議

司空嚴續諡議

欽定全唐文

卷八百七十五

目錄

二

右千牛衛將軍王再興諡議

右衛使司空李承祚諡議

龍衛軍使司空劉崇禧諡議

太尉王建諡議

左威衛大將軍瑯琊太尉侍中王府君墓誌銘

并序

唐故金華大師正和先生劉君碑銘

并序

欽定全唐文卷八百七十五

陳致雍三

龍衛軍左廂諸指揮都軍頭故歐陽權諡議

右竊以前件人夙處和風時推驍將屢行征伐亟著勲勞爰自淮壤出師滁城卻敵縱鐵騎而從突拔子戟以先登破陣雲騰畏威風靡稽其行狀先皇制命云爾能前率騎兵身先矢石心堅効命勇有可觀豈不謂好力致勇乎謹按諡法好力致勇曰莊其歐陽權伏請賜諡曰莊

光山王延政諡議

欽定全唐文

卷八百七十五

陳致雍

一

光山王延政昔者無諸舊壤閩越分封惟嗣承慶基立爲極洎乎末途弗諛景祚中零因懷順軌之風永感安宗之念加以敬恭事上慎重寡言作牧鄱陽民安其化舉是美者俱爲諡焉謹按諡法敬恭事上曰恭安民法故曰定請以恭定爲諡

蔣彥威諡議

銀青光祿大夫檢校司徒右千牛衛將軍兼御史大夫上柱國蔣彥威卒據狀以雲翼馬軍教授衛兵彥威趨捍過衆騎射絕倫訓練之方申明有律行狀昭載易名可稱謹

按諡法云治兵不遷曰簡謹議

左宣威軍使張于諡議

據行狀竊以于昔年參署戎府總掌簡要簡稽士卒規畫軍師幹局理事垂五十年勤亦至矣其爵命有等諒以名諡可加按諡法勤勞無私曰類

駁奏議周進卿諡議

竊以易名賜諡蓋用收獎死亡將帥之勲其或入則常直禁中扈蹕著勤出則斥候境土捍寇致力星霜累歲忠勇盡誠復有爵土可兼名實相稱者則與之周進卿附翼戎

欽定全唐文

卷八百七十五

陳致雍

三

臣策名環衛昔者惟以鞭弭隨事非因鞞鼓立功聖君柔遠之恩不循班例之選擢官亟奉再命歷職僅未四稔若使死之日班位可加不謂生之時功行無取而况即日專征者百輩立功者無一人如此之流何足襄與自今已後在任未有勤誠立身全無異行者不合定諡

再奉勅旨定周進卿諡

伏以頃者中原作梗郡部多虞進卿隨戎車之徒惠然向化捨鞭弭之役從而策名荷祿驟列清朝衛蹕未施微效以其違去喪亂歸慕聖朝慎思遠圖克保來裔按諡法思

慮不爽曰原謹議

洪府神武軍左右親從兩指揮都虞候故孫漢遇

諡議

藉父兄業為將帥臣禦其翊衛之師宮陛盡肅總彼緹騎之任王府克寧方馳乃能適赴忠訓言其永逝用以易名漢遇立事以勤敬不替按諡法夙夜警事曰敬謹議

孫晟諡議

右伏以孫晟蘊經濟之才有慎重之操守之以正固潤之以文辭事先朝居密近之地登右輔稱弼諧之任周歷清

欽定全唐文

卷八百七十五

陳致雍

三

顯謁有聞望洎北寇侵軼邊郡驚駭於修德庇民之時奉執謹乘輅之命聞其情專報主動必應機班彪論中興在漢仲尼由大夫思魯深踐虎狼之國競全臣子之節雖死之日猶生之年爰考易名宣旌盡瘁孫晟精於文學達於政事專以知物多聞闕疑豈不謂博物多見乎為一介之使奮不奪之節見危致命確乎不拔豈不謂之忠乎危身奉上曰忠其孫晟請諡為忠

常州防禦使李守義諡議

竊以立諡之法先王所以懲惡勸善也雖士有百行考終

之道節一惠爲名守義奮身戎行位以勲立前後功行豈無可書者今復詳守義行狀任日有裨將秦銖稔惡聚徒懷害守義尋則俘擒之云有嚮報之語由神物幽附且守義薰旅訓民不能盡數君惠致來攜叛職爾之由未嘗引咎責躬而妄與妖語孽由自作神不可誣欲以此事歸美於功不曰疎乎按諡法好變動民曰躁改曰躡

鄂州副使前沂州刺史劉敬文諡議

伏以君子重終先王有禮既允啟殯請諡弗違敬文允處和門夙馳戎畧武昌貳君勤勞於茲今也命歿有聞爰加

欽定全唐文

卷八百七十五

陳致雍

四

贈典今善類也不曰宜乎按諡法勤勞無私曰類劉敬文請諡曰類謹議

德勝軍節度使孫漢威相公諡議

竊以一昨淮壩用兵將統無畧或始陣懼敵或望風靡旗或挫而受降或窮而被執以至禍難相繼疆土仍侵而漢威能嚴整禦戎精明出令決勝有料動算無遺戎師屢攻城守不拔保全名節集大功勲捍禦多能易諡堪獎按諡法決壯勝強曰武折衝禦武曰毅諡曰武毅謹議

汀州刺史張延嗣諡議

伏以昔者東甌別部臨汀舊封兵革遭罹閭閻邑壘失俗方阜化民僅息肩延嗣鎮撫得宜物土咸若嗟乎永逝良用追恩按諡法綏和來民曰德改諡曰戴

故虔州節度使賈匡浩相公諡議

伏以策勲諡行名實有倫善惡必書褒貶斯在故龍武統軍使檢校太傅同中書門下平章事河東郡開國侯食邑一千五百戶賈匡浩頃以程功積事服勤有年國朝旣解之初人惟求舊泊剖符錫壤休顯亦多廬陵上饒聲化且著南康重鎮番禺連封五嶺之南惟王巨屏有溪洞獷民

欽定全唐文

卷八百七十五

陳致雍

五

昔嘗恃險竊聚妖兇匡浩控壓蕃要務去元惡致令滋蔓其徒攻剽廬舍而匡浩受方面重寄不曰徒然夫見義而動所舉必剋匡浩執心寡斷何所述哉按諡法述義不剋曰丁賈匡浩曰丁謹議

右千牛衛將軍白福進諡議

伏以一昨中州阻兵民庶遷蕩福進持其部伍靡所依歸此不右招彼何寧族來思之念順軌是圖按諡法深慮通遠曰思謹議

太尉劉崇佑諡議